


5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3



娛語卷三

卷三

先考諱季彥、字啓夫、號南圃、晚稱悅翁、性清介、不能與世軒輊、雖託城市、常有水石之想、詩歌自娛、然徑寫胸懷、不求雕飾、有悅翁遺稿一卷、今鈔錄其詩數篇、秋日偶題云、秋風何嫋嫋、吹我敝帷開、中有悲秋客、壯心方易摧、初月云、嶺上懸纖月、清光幾日全、森然高樹際、纔照暮山烟、村居云、晝日茅堂靜、踈慵心事閑、秋天晴景好、四面見青山、咏漢高云、赤帝鴻基鼎始遷、英雄搘腕氣衝天、秦雲跡絕烏江冷、三尺霜

光四百年暮過山村云山間移步伴歸雲一帶清流
傍屋分谷口微風吹細艸長松嶺外夕陽曛除夜云
人間日月不須嗟終夕圍爐閑煮茶坐上寒梅瓶裏
色明朝還賞舊年花山樓云春後乘閑倚小樓幽窓
近接一溪流四山晴景來新翠百畝清風入麥秋偶
成云晴穹高聳萬重山千仞翠巖行路難駕馬不前
何自畫揚鞭遙指白雲關探梅云烏巾拂雪繞幽溪
白玉前山望欲迷一陣香風何處是梅花開在古橋
西

後光明帝聰睿夙成年十五知崇聖學深信程朱之

說性畏雷嘗讀克己須從性偏難克處克將去語有
所省後當雷震靜坐不動嗜酒善飲嘗為長夜飲興
方酣暢德大寺公信犯顏強諫帝大怒撫劍而起
公信從容曰自古未聞聖賢之君手刃大臣若斬臣
知悔臣身豈足惜哉左右拽公信而退帝亦執劍
而入朝召公信曰朕聞卿言一時忤意退而自恥
今而後臣益敢言勿辭因賜所執之劍又召布衣
意林菴聞講易以藤惺窩近世道學之祖親序於其
集餘英斷宏度可傳者甚多載槐下與聞鳩巢小說
正保遺事等書承應甲午

帝年二十二夢乘赤龍

上天無幾患痘而崩、惜哉天假之年、則堯德舜化亦可期也。余藏其御製集一本、今摘錄數篇、遠寺晚鐘云、宿雨空濛古梵宮、老僧歸去翠烟中、一聲彷彿踈鐘響、雲外夕陽秋意濃、四方拜云、霜滿雲階天未曙、畫屏銀燭照中庭、當時曾自幸河上、千載綿綿禮七星、古池云、池上塵埃人不掃、古槐踈冷老松濃、杜鵑寂莫呼昏黑、木槿蕭條引曉紅、細浪生時星晢晢、圓紋沒處雨濛濛、眼前愁殺眼前事、佇立廻垣思不窮、山家云、午睡覺無情、長吟登彼屺、雲収遠樹青、日落暮山紫、曉行云、千山如夢過、萬水滌懷行、林際曉

風冷、雲間殘月清、惺窩集、御製序、并錄於此、曰蓋聞文者貫道之器也、自昔年大昊八卦書契之作、延延綿綿、如天地之不可易矣、如日月之不可息矣、禮樂政令之經緯乎穹壤、洞徹乎古今、法度教化之融液乎遠邇、周遍乎内外者、不亦基乎是哉、近世有北肉山人惺窩先生者、寬仁大度之君子也、幼而穎悟、一覽千言、七過萬句、弱冠而發通經史、及諸子百家之書、莫事不備、莫物不詳、其為學也、博聞強記、故其為記也、精察明辨、其為友也、范袁張彪之徒、王戎仲容之屬、朝馳騖乎書林、夕翱翔乎藝圃、非其道雖高

車駕馬不顧焉棄之如敝屣從其道則簞食豆羶亦足以顯神而保年也義士仁人慕德望風出入其門往來其道者不可勝計於乎空谷之足音晦冥之日月歟而彼精微妙渺雖猶不可階天而升也儘亦得先生之一體者數輩日新月盛自此以後百姓尊信聖賢誦說仁義其恩惠德澤所以蒙天下後世者至矣斯時也談士雲起狙詣星聚然道德之說罕有所聞也先生獨悼斯民之墜於塗炭苦此道之湮於塵俗屢遊說諸侯上述堯舜下陳周孔然滑稽口給之士皆以為迂遠而闊於事情故不為世用乃退廬市

原隱居放言恣思丘岳任情山林沉吟小詩作為文章而其遺稿餘篇紛紛籍籍惜其無統記者其子為景採而輯之亦竊附己意所以裨補其闕畧紕繆者數卷名曰惺窩文集朕偶請而觀之則忘食忘寢萬慮以澄百節以通耳目以融肺腑以清猶如龍護珠不釋造次必於是顛沛必於是噫嘻朕於先生不見顏色不通言語而百年神交如合符節果何之謂也所視所言所勤所蓄庶幾乎其不差也焉咏嘆之餘聊託管城子妄為之言乃譬嘵星之繼朝陽飛塵之集華嶽云爾慶安四曆辛卯九月十二日輪王

寺一品法親王書之、嗚呼、以萬乘之尊、眷一士如此、其渥、謙而益光、聖德之隆可觀矣、後水尾上皇弗豫、帝欲親問之、召所司代板倉周防守、勅以行幸之意、周防守曰、朝覲行幸非常禮也、非得幕府之命、則不可也、帝曰、然則宜構長廊、自禁垣直接於院御所、複道來往、無彼此之別、何不可之有、遂構廊、親問、以此一事推之、其英斷可想而知也、右出槐下與聞、

本邦武將勇士之詩、亦不為少、今摘錄之、吉野拾遺、兒島高德寄隱老云、東風吹暖入家家、想像九衢塵

裏、嘆不識世間春色遍、舊爐殘火去年花、細川賴之言志云、人生五十愧無功、花木春過夏已中、滿室蒼蠅掃難去、起尋禪榻卧清風、武田信玄十七絕句、載甲陽軍鑑、今鈔其三、新亞口號云、淑氣未融春尚遲、霜辛雪苦豈言詩、此情愧被東風咲、金陵江南梅一枝、新綠云、春去夏來新樹邊、綠陰深處此留連、尋常性癖耽閑淡、不愛黃鸝聽杜鵑、旅館聽鶴去、空山綠樹兩晴辰、殘月杜鵑呼夢頻、旅館一聲歸思切、天涯瞻戀蜀城春、上杉謙信伐能登、會九月十三夜席上賦詩云、露下一霜滿、軍營秋氣清、數行遇鴈月三更、越

山并得能州景、邇莫家鄉念遠征、藩翰譜、又載其絕命詩云、我一期榮一杯酒、四十九年一醉間、不知死者也、伊達政宗遣興吟云、馬上青年過、時平白髮多、殘軀天所許、不樂復如何、春夜作云、餘寒未去發花遲、春雪夜來欲積時、信手聊斟三盞酒、醉中獨樂有誰知、欲征蠻時作云、邪法迷邦唱未終、欲征蠻國未成功、圖南鵬翼何時奮、久待扶搖萬里風、醉餘口號云、四十年前少壯時、功名聊復自私期、老來不識干戈事、只把春風桃李危、直江兼續織女惜別云、二

星何恨隔河遙、今夜相逢散鬱胸、情語未終先洒淚、合歡枕下五更鐘、又有句云、春雁似吾吾似雁、洛陽城裏背花歸、塙園左衛門去加藤嘉明、有句云、遂不留江南野水、高飛天地一鶴鷗、園左衛門在京時、祝髮號鐵牛、居妙心寺大龍和尚會下、嘗從和尚喫齋於某氏、後至和尚怒之、鐵牛即誦曰、一鞭遲到勿肯怒、君駕大龍我鐵牛、加藤忠廣謫居云、人間萬事不定躬、躬似明星西又東、三十一年如一夢、醉來庄內破簾中、朝倉義景將、詫美越前守、一本作山長門守將戰死、出墨斗題詩、託敗卒寄故鄉、萬恨千愁有驀然、不識

今夜入黃泉、故園更莫灑愁淚、屍暴戰場、唯是天以
上諸人、生長於戎馬之間、謀畧勇鷙、卓越一時、而其
風流文雅如此、其或聲律未調、字句未妥、亦非可苛
論也、而如信玄政宗、翩翩有詩人之風、豈非胸中別
有閑日月者哉、
宋陸秀夫、在流離中、勸講大學章句、後世議者多笑
其迂、迂則誠迂矣、然秀夫立危朝如治朝、外籌軍旅、
內調工役、一念愛君、其志亦可憫已、且當此時、國勢
全傾、士心解體、雖有志之士、不能復振、而秀夫獨能
儼然不撓、知其必不可為而為之、其特操無以尚焉、

而議者又以此罪道學、余則以為其迂則道學之弊
也、其忠則道學之力也、蓋秀夫之忠、自誠心出、誠心
又自適性出、則迂亦不可廢矣、若試令後之議秀夫
者、當此時、則亦恐不免為陳宮中耳、且有事相類者、
東晉蘿峻作亂、遷帝於石頭、劉超鍾雅等步侍左右、
峻以倉屋為帝居、日肆醜言、超臣節愈恭、雖居幽厄
可獨罪道學哉、
邵康節漁樵問答曰、人之生也、謂其氣行、人之死也、
謂其形返、氣行則神魂交、形返則精魄存、神魂行于

天精魄返于地行于天則謂之曰陽行返于地則謂之曰陰返陽行則晝見而夜伏者也陰返則夜見而晝伏者也是故知日者月之形也月者日之影也陰者陽之影也人者鬼之形也鬼者人之影也人謂鬼無形而無知者吾不信也弘按魂氣歸于天形魄歸于地人之死生如此而已邵氏曰陽行則晝見而夜伏者也陰返則夜見而晝伏者也又曰人者鬼之形也鬼者人之影也此言不能無病蓋天地之間一元氣而已矣其為陰陽為消長晝夜是一元氣之運動生息也元氣聚而人生元氣散而人死及其死則其

氣悠揚歸于天其體化而爲土其既歸天則復合爲一氣块然茫然無可把捉豈可人人死後各爲一鬼以分彼此耶然則謂人死而有知形者妄也若夫冤結凝滯其氣不散者則有焉然亦不久而消以此論常則膠矣

五代史蜀書論論獲麟曰昔魯哀公出獵得之而不識蓋索而獲之非其自出也故孔子書於春秋曰西狩獲麟者譏之也西狩非其遠也獲麟惡其盡取也狩必書地而哀公馳騁所涉地多不可偏以名舉故書西以包衆地謂其舉國之西皆至也麟人罕識之

獸也。以見公之窮山竭澤而盡取至於不識之獸。皆搜索而獲之。故曰譏之也。按歐公春秋論雖廢諸說。公正不落臆度。如獲麟解。則論僻而義短。凡排古來之衆說。建獨創之異見。非確然不可易者。則不可也。夫夫子獲麟之筆。千古之嘆。一旦容易說破。意義索然。余為歐公惜焉。

堯典曰。放勲欽明。蔡傳曰。敬體而明用也。又曰。首以欽之一字為言。此書中開卷第一義也。讀者深味而有得焉。則一經之全體不外是矣。余按欽恭敬也。明通明也。是稱其德之辭。無體用之別。且以欽之一字。

為開卷第一義。似非本文之意。宋學以居敬為要。故不免此等附會之解也。百姓昭明之傳曰。昭明皆能自明其德也。按昭明承平章之字來。謂明而不亂也。明德之解。亦似牽強。皆家學之弊也。二典禹謨。文公所是正。此二解亦必出文公。然平心讀之。自覺不穩當。聞之於蘇軾。華貴善處。命以朝天子卦。天台山晉書潘尼安身論曰。夫榮之所不能動者。則辱之所不能加也。利之所不能勸者。則害之所不能娶也。譽之所不能益者。則毀之所不能損也。此語吾輩誦之可也。

西園雅集所稱圓通大師者，相傳為本邦僧寂照。佩文齋書畫譜及書畫傳習錄等皆同，亦非無所據。余讀異稱日本傳，皇朝類苑僧道部引楊文公談苑云，景德三年，余知銀臺通進司，有日本僧入貢，遂召問之。僧不通華言，善書札，命以牘，對云：住天台山延暦寺，寺僧三千人，身名寂照，號圓通。中寂照領徒七人，皆不通華言，國中多習王右軍書。寂照頗得其筆法，上召見，賜紫衣束帛。其徒皆賜以紫衣，復館於上寺。寂照願遊天台山，詔令縣道續食三司使丁謂。見寂照甚悅之，謂姑蘇人為言其山水奇，見寂照心。

愛因留止吳門寺，其徒不願住者，遣數人歸本國。以黑金水瓶寄謂，并詩曰：提携三五載，日用不曾離。曉井斟殘月，春爐釋夜澌。鄙銀難免侈，菜石易成虧。此器堅還實，寄君應可知。謂分月俸給之，寂照漸通此方言，持戒律精至，通內外學。三吳道俗以歸向，寂照東遊，余遺以印本圓覺經，并詩送之。後寄書舉余詩中兩句云：身隨客槎遠，心與海鷗親。不可忘也。圓覺固曰不暫舍云。下宋史日本傳亦云：景德元年，其國僧寂照等八人來朝。寂照不曉華言而識文字，縕寫甚妙。凡問答並以筆札詔號圓通大師，賜紫方袍。按

宋史言據談苑畧之也。但景德三年作元年。佛祖統
入朝為咸平三年。且稱譙號圓通大師。則大師號真
宗所勅賜也。元亨釋書。景德元年。照上進無量壽佛
大師號。見宋史。云詔賜圓通。據此言。則照留彼邦。與楊億丁謂等
相交。道俗歸向。其名著稱文苑。故為雅集中一人。亦
不可知也。然景德真宗年號。東坡生在景祐三年。拒
景德元年。凡三十年。西園雅集之時。東坡獨以先生
稱之。則必不在少年時。則拒寂照入宋之時。凡六七
十年。照之在宋。必不至如此之久。所謂圓通大師者。
非寂照矣。後讀元亨釋書。注引成尋遊宋日記云。

成尋入宋。以熙寧五年九月五日到蘓州普門院禮
寂照影堂。問照之寂年。寺主答曰。三十年前。註云。然
則以四主仁宗慶曆年中而化矣。再按。以此言推之。
照遂留彼土。慶曆中沒。慶曆止八年。東坡之生在景
祐三年。距慶曆八年。僅十二年。此時寂照之年。蓋七
旬前後。東坡僅十歲以上。必無相會之理。或云。西園
雅集畫與文。皆假設而作之。非實有其事。其攝入寂
照。亦不可以年月論也。余疑所謂圓通大師者。蓋佛
印也。然佛印不聞有大師號。則亦未可決也。即國大
朱舜水之於伊藤仁齋。蓋心甚憚之。不欲相見。不特

道不相合、必知弗能折服之。其與安東省庵書中、反覆拒之、其意可見也。仁齋答省庵書云、承聞明國大儒、越中朱先生、躬懷不帝秦之義、來止于長崎臺下、忽執弟子禮、師事之。中聞先生近以親藩之招、將赴于武城、僕又欲竢侍養有人、往從先生於武城、不知先生許之否。若獲為僕言之於先生、實大幸也。至懇至懇、大抵此事、非有真實朋友為之經營、決難成就。舜水答省庵書云、伊藤誠修、誠貴國之翹楚、頗有見解、賢契飲然不足、大為雅重、虛心好賢、此更賢契美德。中如果聞其欲來、賢契幸急作書止之、若一成聚

訟、便紛然多事矣。此是貴國絕大關頭、萬勿視泛泛也。若果來、不佞當以中朝之處、徐鉉者處之、必不與之較長絜短也。又曰、伊藤誠修、學識文品、為貴國之白眉、然所學與不佞有異、不佞之學、木豆瓦登布帛菽粟而已。伊藤之學、則雕文刻縷錦繡纂組也。未必相合一也。中此間人情多好自高、稍有學識、猶且岸然、如此淹貫、豈更求益、且不佞亦不能有以益之。賢契幸婉辭之、多一事、不若少一事也、且又無益、萬萬不須務此。此數語畏憚之意自見矣。舜水之投化也、當時老師宿儒、往往與之往答周旋、舜水待之有餘。

裕獨於仁齋不免立城府仁齋岌然出輩流遠矣。張九成嘗讀子美野色更無山隔斷天光直與水相通已而嘆曰子美此詩非特為天光野色凡悟道理透徹處境界皆如此余亦甚愛此句一誦之便覺胸宇朗然。中間入對及後亦復有學問且出管子曰倉廩實而知禮節衣食足而知榮辱是自然之勢也議者或譏其先倉廩衣食而後禮義是局見耳蓋民有恒產而後有恒心上之教民得不先富乎語云冉有曰既庶矣又何加焉曰富之曰既富矣又何加焉曰教之是夫子亦先富後教胡獨議管子

耶食貨志云食足貨通然後國實民富而後教化成亦此意也。

里語云他人聚於食親戚聚於哭能說人情又有云牀頭有穀他人哭亦能說人情。

古人貴立志所論著不一而足余亦嘗作立志說曰人之於志也車之轄也戶之樞也人其可無志乎而立之甚難矣蓋不立之以勇則因循苟且有半途中廢之失不立之以專則流蕩消耗有一舉十寒之累故勇之與專立志之本也既勇且專則天下何事不可成哉凡古人之所為或修身傳道亘乎萬古而不

朽、或高坐廟堂、擰柱乾坤、其學問功業、皆發輒乎此矣、故為舜為蹠、志之所以致也、為聖為狂、志之所以致也、若夫學樂乎、援琴雀舞、志之至也、學射乎、調弓猿號、志之至也、學醫乎、視垣一方人、志之至也、且天下之人、志農者播種不失時、志商者販鬻而保利、或志梓匠、或志巧墁、為陶為漁、吾未見志其事而弗成也、其沮格廢置、中道而輟者、志之不至也、故匹夫不可奪志、况為士者乎、士而不能立志、則不及販夫賈豎遠矣、然人心之危、出入無時、動靜不定、其持志也、亦猶御悍馬、一緩即逸、往往不能自制焉、蓋嘗觀輕躁之

士、其始立志也、疾風迅雨不能及之、銳兵精甲不能禦之、必將一進不退、百變不磨也、及其久也、名韁利鎖勒之於內、蛾眉靡音蕩之於外、或窮困梏之、或喜怒擾之、紛紜轢轕、日喪月失、少而勇者、老而為怯、少而廉者、老而為貪、時少省之、何益之有、故曰、立之以勇、勇則能守、守則不變、立之以專、專則不分、不分則精、是以惰氣將生、則勇以挫之、慾心將萌、則勇以鎮之、猶將之御士卒、主之令童僕也、將嚴主明、則雖有悍卒黠僕、久而自伏矣、外物之誘、專則不應、患難之來、專則不動、猶松柏挺立、肅霜積雪不能凋之也、然

後身可榮辱也、志不可榮辱矣、身可生死也、志不可生死矣、所謂立乎其大者、小者不能奪、此之謂也、余性怯懦、不能以志帥氣、將陷暴棄、因作此說、以自勵焉、是以后生學人

象山語錄云、凡欲為學、當先識義利公私之辨、今所學果為何事、人生天地間、為人自當盡人道、學者所以為學、學為人而已、非有為也、又云、上是天、下是地、人居其間、須是做得人方不枉、又云、覩雞終日營營、無超然之意、須是一刀兩斷、何故營營如此、營營的討箇甚麼、又云、大人凝然不動、不如此小家相、又云、

人精神在外、至死也勞攘、須收拾作主宰、收得精神在內、當惻隱、惻隱當羞惡、即羞惡、誰欺得你、誰瞞得你、見得端的、後常涵養、是甚次第、又云、自立自重、不可隨人腳跟、學人言語、又云、君子役物、小人役於物、夫權皆在我、若在物、即為物役矣、此數語皆自實著、非閑說話、學者佩服之可也、

漢土古來諸將中、余尤推服宋岳武穆、是人心之所同也、本傳曰、飛至孝、母留河北、遣人求訪迎歸、母有痼疾、藥餌必親、母卒水漿不入口者三日、是能事親也、學射於周同、同死、朔望設祭於其家、是能敬師也、

張所死、飛感舊恩、鞠其子宗本奏以官、是能報恩也。家無姬侍、吳玠素服飛、願與交驩、飾名姝遣之。飛曰、主上霄旰、豈大將安樂時、却不受、玠益敬服、是不淫色也。凡有頒犒、均給軍吏、秋毫不私、是不貪財也。師每休舍、課將士、注坡跳壕、皆重鎧習之。子雲嘗習注坡馬蹟、怒而鞭之、是不私子也。帝初為營第、飛辭曰、敵未滅、何以家為、是不懷居也。卒有取民麻一縷以束芻者、立斬以徇。卒夜宿、民開門願納、無敢入者。軍號凍死不拆屋、餓死不鹵掠、是立令之嚴也。張俊問用兵之術、曰、仁智信勇嚴、闕一不可、是御軍之正也。

卒有疾、躬為調藥、諸將遠戍、遣妻問勞其家、死事者哭之、而育其孤、或以子婚其女、是恤下之厚也。調軍食、不蹙額、曰、東南民力耗敝極矣、是憫民之切也。李寶自楚來歸、韓世忠留之、寶痛哭願歸飛、是能得士心也。襄陽之役、詔光世為援、六郡既復、光世始至、飛奏先賞光世軍、是不伐功也。好賢禮士、覽經史、雅歌投壺、恂恂如書生、是好學也。凡此數事、皆古名將之所難也。邵毅之敦詩書、樂毅之貴名義、穰苴亞夫之嚴、孫臏韓信之奇、子儀曹彬之寬、武穆以一人有之、蓋諸葛武侯之後一人而已、而其有神力、挽弓三百

斤、左右馳射、舉旗刺賊、敬德彥章不若、此亦千古一人也。

岳公本傳、飛生時有大禽若鵠、飛鳴室上、因以為名、而西湖佳話稱、父母生他的時節、夢見一個金甲紅袍、身長丈餘的將軍、走進門來、大聲道我是漢朝張翼德也、今麌到汝家、說畢即時分娩、父親因此即取名為飛、小說之妄可咲。

獨醒雜志、岳飛微時、嘗于長安道中、遇一相者曰舒翁、飛時貧甚、翁熟視之曰、子異日當貴顯總重矣、然非其命、飛曰、何謂也、翁曰、第識之、子猪精也、猪碩

大而必受害、子貴顯則睥睨者衆矣、飛靖炎間、起偏裨為大將、位至三孤、竟為讒邪所害、杜預之為蛇、韓世忠之為虎、此類頗多、然以武穆為猪精、卑之甚、妄哉言也。

武穆飛來之讖、本傳為楊公賊中之語、崔林玉露為所獲謀者之語、而獨醒雜志則為固石洞女賊廖小姑娘之語、所記各異、胡應麟詩叢引武穆詩一聯曰、潭水寒生月、松風夜帶秋、此詩全篇載於焦氏筆乘、曰鄱陽巍石山有龍居寺、岳武穆嘗過之、留題云、巍石山前寺、林泉勝景

幽紫金諸佛相、白雪老僧頭、潭水寒生月、松風夜帶
秋、我來屬龍語、為兩濟民憂、應麟獨賞後聯、余以為
轉結憂天下之意、隱然見於詞、亦激切可賞。
清人趙古農乩仙傳云、陰風陡作、燈燭盡滅、衆皆愕
然、毛骨凜聳、復取火照、乩見乩畫沙如雨點下書、故宋
武穆將軍岳偶經此憩焉、大揮一截、筆勢縱橫、猶帶
怒意、曰金牌十二詔何堪、萬古奇冤死不甘、不信黃
龍常抱恨、墳頭松柏尚朝南、按乩仙詩妄誕不足信、
故余興起詩鈔不載之、然不忍割棄、附錄於此。

湧幢小品云、武穆祠廢後、得一石碑、碑上題一詩云、

北伐隨明主、南征拜上公、黃龍已盡醉、長侍大明宮。
俄雷震大雨洗去、一秀士錄之、此詩不知何人作、然
亦逸響可傳、因并錄之。

輟耕錄云、許魯齋先生在中書日、命牙僧雇一僕役、
特選能應對閑禮節者進、郤之曰、特欲老實耳、他日
領一蓬首垢面愚駢之人來、遂用之、僧請問其故、先
生曰、諺云、馬騎上等馬、牛用中等牛、人使下等人、馬
上等能致遠、牛中等良善、人下等易馴、若其聰明過
我、則我反為所使矣、假如司馬溫公家一僕三十年止
稱君實秀才、蘓子瞻學士來謁、聞而歎之、明日改稱

大參相公。公驚問以實告。公曰。好。一僕被蘇東坡教壞了。這便是樣子。余亦嘗謂僮僕之用供洒掃趨走而已。如決事制宜。則固無資於彼。故宜畜朴實不生事者。近世醫人家。雇僮僕轎夫。必擇長大輕儇者。彼皆酗酒耽奕。狡狠而悍。少不如意。則罵主長辱家人。紛嘆不絕。而其雇之者日多。蓋亦售技之一術耳。先嚴常掄愚駿易使者。世人皆嗟。不知時勢。然使魯齋聞之。必有取焉。

名臣言行錄云。歐陽公嘗語人曰。治民如治病。彼富醫之至人家也。僕馬鮮明。進退有禮。為人診察。按醫

書述病證。口辨如流。聽之可愛。然病兒服藥云無効。則不如貪醫。貪醫無僕馬。舉止生疎。為人診脈。不能應對。病兒服藥云疾已愈矣。則便是良醫。觀此語。則醫師衍世之態。彼此不異。宋時已然。

醫師衍世之態。彼此不異。宋時已然。
南史。

鄒至完曰。以愛己之心愛人。則仁不可勝用矣。以惡人之心惡己。則義不可勝用矣。是君子之語也。林芳曰。事神不如事心。心在斯神在。舍心而神。神有不神。

者矣。理到之語也。曾鞏四忌銘云。著書忌早。處事忌擾。立朝忌巧。居室忌好。作四忌銘。以致吾老。四忌皆學者之箴也。

吾邦俗子之語。往往儒丐並稱。嗤其窮也。陝餘叢考云。謝疊山集。有送方伯載序。曰。今世俗人有十等。一官二吏。先之者貴之也。七匠八娼九儒十丐。後之者賤之也。鄭所南集。又謂元制。一官二吏三僧四道。五醫六工七獵八民九儒十丐。而無七匠八娼之說。蓋元初定天下。其輕重大概如此。是以民間各就所見而次之。由此則漢土亦以儒丐並稱。且以九儒十

丐為元制。則不止俗間之語。彼專尚文字。以此為仕進之梯。猶且卑之如此。彼此人情可知也。文章游戲。過古寺記云。余一日偶過古寺。見二老儒趺坐誦佛號。既畢。揖而進曰。俗謂修行念佛。願博來生富貴。二公亦有意乎。一曰。吾二人里塾中蒙師也。日間訓蒙。晚間來此念佛。因吾輩前世不修。罰令今世坐館。備嘗諸苦。茲所修者。不敢求來世富貴。惟願不再罹此厄耳。一曰。此公生前罪孽較輕。故志願稍奢。吾自揣罪孽深重。恐來生未必能遽脫此難。今之念佛。不過修坐一好館。敎兩個好學生。願己足矣。其非敢妄求。

也余聞之慚然此文蓋有所激而作也然其所謂蒙師者自苦如此亦可憫已此輩豈知一刀割斷之法耶

村瀨榜亭藝苑日涉云戶此讀為加波禰三音攷之形聲無毫可通因竊以謂國字力音加凡字之掠磔撇過其筆者謂之波禰今力字長左旁作力字形與戶字相似因呼戶字為波禰耳敬所翁駁之曰榜亭說朝臣真人之類上古謂之戶後人依國字讀之加波禰也後卷云片假名為吉備大臣所製夫加波禰國字也戶漢字也先有國語而後以漢字譯之作

片假名又在其後上古豈知力字掠磔乎晏說可唉弘按度會常彰日本國風引神代抄云加波禰之訓皮骨也上之所賜子孫傳之猶傳父祖之戶也此說以戶為遺體之義訓戶為皮骨其義雖未確其訓則當矣

阮孚好屐祖約好財其事鄙俚不足論且好屐好財以分勝負固為不倫亦近兒戲而世說錄之晉書傳之蒙求等書亦標揭之兒童到今誦之果何意乎借使一里之內或習歌舞或講詩書縱群兒隨其所之則必不棄歌舞而從詩書矣故使工伎之家習士

人風禮百年難成。士人之子效工技容態。一朝而就。是北魏韓顯宗上書之語也。今如我邦。渙化已洽。人飫膏梁。其所見聞。非淫靡浮麗之態。則必趨利就勢之事。父兄得之為安。子弟求之為足。所謂百年難成之風禮。益置而不講。則何年而成。一朝而就之容態。愈溺之而不極。則何日而復。父兄已安之。子弟將何從哉。若能薰陶化育。以維持風教。則亦庶幾乎聖時之一助矣。

武田信玄廢其父信虎。巨惡弗容。相傳信玄終身不讀論語。亦良心之發也。然信虎暴虐。國家將亡。信玄

身危。大臣與謀。故推其心。則尚有微可恕者。至誘殺詬訪賴茂。奪其女為妾。則其罪毫無可恕。賴茂女生勝賴。遂滅其國。天誅烟矣。

清商之至長崎。往往有吟詩書字者。然皆市井賈豎。拙劣不足論。况有學識之可稱乎。而邦人慕之。乞其詩求其書。以為清翫。或有名之儒生。亦有以與之唱酬為榮者。以我之山斗。抗彼之市井。自訖與漢人交臂親接。豈不羞死哉。

朱子曰。驕吝勢常。相因。蓋驕者吝之枝葉。吝者驕之本根。故嘗驗之。天下之人。未有驕而不吝。吝而不驕者也。胡氏

曰、驕張大吝收縮、姑以驕吝於財觀之、其所以閉藏、乃欲資以矜誇、其所以矜誇、卽閉藏者爲之地也、弘曰、驕吝勢本相反、而朱子以爲相因何也、今觀世人、騎者變而爲吝、吝者變而爲驕、相反者卽相因之原也、蓋驕吝之跡異、而驕吝之心同、胡氏之言、亦可謂能演之矣、

墨子之書、韓昌黎稱之曰、孔子必用墨子、墨子必用孔子、不相用不足以爲孔墨、其言固謬矣、胡應麟陸弘祚輩辯之是矣、然孟子之時、老莊之書、亦必播於世、而孟子不闢老莊、而闢楊墨、當時孔墨抗行可知也、韓非子謂、墨子死有相里氏之墨、相芬氏之墨、鄧

陵氏之墨、孔墨之後、儒分爲八、墨離爲三、是亦孔墨並稱可見也、今讀其書、氣簡勁而語崎崛、不失爲古文、然悍然非犯聖法、以建旗鼓、雖崇詩書似是而非、莊周自恣之罪淺、而墨翟亂真之罪深矣、

墨子所引逸詩甚多、親士篇曰、必擇其所堪、必謹其所堪、尚賢篇曰、詩曰、告女憂卹、誨女予爵、孰能執熟、鮮不用濯、此與今詩小異、同篇又曰、周頌道之曰、聖人之德、若天之高、若地之普、其有照於天下也、若地之固、若山之承、不折不崩、若日之光、若月之明、與天地全常、尚全篇曰、周頌道之曰、載來見彼王、求厥章、

兼愛篇曰、周詩曰、王道蕩蕩、不偏不黨、王道平平、不黨不偏、其直若矢、其易若底、君子之所履、小人之所視、此詩全用洪範語、今詩所不載、半篇亦與今詩小異、同篇又曰、大雅之所道曰、無言而不讐、無德而不報、投我以桃、報之以李、此亦有小異、非攻篇曰、詩曰、魚水不務、陸將何及乎、此餘所引詩、與今詩全同者、不過數篇、其引尚書、亦多有異同、蓋墨翟反夫子者也、詩書亦不用夫子刪正者、故多致有異同耳、蜀志、諸葛孔明耕龍畝、好為梁父吟、余嘗疑武侯好梁甫吟、不知取何義、且好為二字、義不明了、隨園詩

話云、晏子以二桃殺三士、事本荒唐、後人演為梁父吟、尤無意味、而孔明好吟之、殊不可解、與余見符、然以梁父吟為後人作、為孔明好吟之、此亦粗矣、黃庭堅跋梁甫吟云、陳壽叙武侯躬耕龍畝、好為梁甫吟、語勢既不盡其意、謂文失載此詩、此蓋好簡之過、余觀武侯此詩、乃以曹公專國殺楊修孔融荀彧耳、但云好為梁父吟、不知壽意所指、豈既作此詩、時時為客歌之、故云爾乎、按庭堅之說、為好簡之過、是也、然武侯躬耕時、老聃未殺楊修諸人、武侯豈預咏之耶、此亦不通、則闕疑可也、

羅大經曰、朱文公每病近世解經者、推測太廣、議論太多、曰說得雖好、聖人從初却元不曾有此意、弘曰、文公此語、實中輓近解經者之病、然文公之解學庸、吾恐後世亦有揭此語以議文公者。

五代馮道歷仕數朝、史之所謂滑稽多智、浮沈取容者、能悉道平生、是名教之罪人、如長樂老叙、可謂廉恥拂地矣、歐陽永叔司馬溫公論之詳矣、而范質稱厚德耆古、宏才偉量、雖朝代遷貿、人無間言、屹若巨山、不可轉也、王荊公亦嘗稱之、胡三省曰、夷考范質之為人、蓋學馮道者也、余亦謂荊公雖不仕數朝、其

心術、或有相符焉者、故亦稱之耳、王士禎曰、李贊極稱武曌馮道、亦猶丁謂以曹操司馬懿為聖人、夏竦美李林甫相業、君子小人各從其類如此、阮亭之論固然也、余獨恠吳處厚青箱雜記云、俗人見道之迹、不知道之心、道跡濁心清、豈世俗所知耶、余嘗與富文忠公論道之為人、文忠曰、此孟子所謂大人也、文忠義烈之人、以道為大人、是余之所不解也、馮道謂唐明宗曰、臣昔在先皇幕府、奉使中山、歷井陘之險、臣憂馬蹶、執轡甚謹、幸而無失逮至平路、放轡自放、俄至顛墮、凡為天下者、亦猶是也、道之人品

不足論、然此語則警世之言也、僧兼好徒然艸載攀
木者戒曰、在危檣則戰栗自持、故少失、漸下近地、氣
弛心放、故或致顛墜、此與道之喻同矣、
僧清韓方廣寺鐘銘、國家安康之句、當時有咒咀之
議、世之所傳也、余嘗閱集古十種鐘銘部、安房國千
光山清澄寺鐘銘中、又有君臣豐樂句、是分明用豐
臣字、似非偶然、且東迎素月、西送斜陽、蓋取之王元
之竹樓記、而鎌倉建長寺鐘銘、亦有東迎素月、西送
夕陽句、此亦偶同歟、將剽竊歟、未可知也、

古事紀稱、顯宗帝怒、雄畧帝之殺其父、欲遣人
毀其陵、意富祁命奏言、臣願奉命毀之、帝許之、
命乃少毀陵傍之土而還、奏曰既毀之、帝怪其早
還、問其故、對曰、少毀陵傍之土耳、帝怒曰、朕命
卿、卿違命何也、曰、雄畧帝雖為陛下之父仇、亦
嘗踐祚君臨天下、且親為陛下之叔父、若破壞帝
王之陵、且害親親之義、則天下後世謂之何、今少毀
陵土、足報其怨、豈非兩全之義乎、帝悅不罪、按吳
晉發昭王墓鞭其尸、君子甚之、王頌發陳主陵、焚骨
取灰飲之、君子義之、蓋君臣之勢、有所異焉、今意富

祁命之所為能處之者也夫雄畧帝雖虐也辱及死尸則傷義甚矣陵已不可毀怨亦不可已則穿陵傍之土以報之可謂得其宜矣

晉書禮志云今制將吏諸遭父母喪皆假寧二十五月又云簡文帝崩再周而遇閏袁宏議曰假值閏十二月而不取者此歲未終固不可得矣通鑑北魏李豹封事曰朝臣遭喪假滿赴職衣錦乘軒從祀陪燕傷人子之道虧天地之經是皆謂遭喪家居為假也本朝朝臣居父母喪謂之假有所原假寧令注云假者休暇即每六日並給休暇之類是也

然則居喪者亦稱之假取休暇之義彼此其稱同也公羊傳云諸侯娶一國則二國往媵之以姪娣從姪者何兄之子也娣者何弟也余嘗疑其說均是國君之女也而或為正夫人或為媵妾何幸不幸之異也其為姪娣者豈甘而從之乎且必同姓媵之則當時強弱之勢有不得然者若魯於晉豈使其女為之媵哉是決無之事也蓋相從者或是同姓大夫之女而非諸侯之女也余疑之久矣後讀戴氏巔璞有媵妾之辨以媵特為送昏之名其見畧與余意合故今舉其全文曰江有汜序有嫡媵之說鄭引公羊諸侯一

娶九女二國媵之及引《晉禮注》古者女嫁姪娣送之。晦翁以此詩不見勞而無怨之說以序為疑余固不敢妄議然考經傳媵特送昏之名猶枣之贈與貄史記載伊尹為有莘媵臣古史載湯婦有莘乃以伊尹為媵送女春秋載公子結媵陳婦于鄭與執虞公及井伯以媵秦穆姬晋將嫁女于吳齊侯使折歸父媵之伊尹公子結虞公井伯折歸父皆嘗為媵初不言某國之女為某國之媵妾也左氏同姓媵之異姓則否不過謂同姓至親可講餽送嫁女之禮異姓則可畧然春秋稱齊人來媵與衛晉無異辭書人不書女

其事甚明知當時魯為弱國嘗為齊晉所凌猶恐不屑以女為媵齊晉大國肯以女為魯女從妾乎古有一娶九女之事與否皆不可知攷之經傳斷不以妾訓媵楚辭九歌云波滔滔兮來迎魚鱗鱗兮媵子晦庵注媵送也易咸卦象曰咸其輔頰舌媵口說也釋文云媵達也鄭康成虞翻作媵而亦訓為送以此證媵為送益明爾雅曰媵將送也注遠于將之疏云謂送行孫炎曰將行之送也即不指為妾公羊禘于大廟用致夫人稱姜氏貶也譏以妾為妻脣于齊媵之先者漢志謂董仲舒以娶娶於楚而齊媵之脣公立

為夫人此乃漢儒之論恐因詩序訛自後記傳所載
妾媵紛然矣。漢書外戚傳以妾媵妻皇后齊姬之
父名姬妾由雜拌多至也。唐宋詩
類纂卷之三即高祖曰：類雜多少，或輕于雜之，或重于
文。子類重也。陳王類重而蘇子類輕也。以知鑒
真主類重也。昌黎桂東曰：知其辭謗者，類口清也。雖
惟類繁也。韓子云：如斷絛令來並，斯類類也。類口
一張子文之直與，不皆入。何以知之？司馬軻
風賦文之義類晉太康書大國吉凶之義。魯文公
娛語卷三 晏常卿魯成公國嘗為齊君行數日

